

B. N. C.
FIRENZE

1005

11



1005. 11

REMONSTRAN- TOLIBERTINVS

à Cl. D. GISBERTO VOETIO

Th. D. & Prof. in Acad. Ultrajectina

IN

THERSITE HEAUTONTIMORUMENO

αὐτοκατάχευτος & deprehensus

In { Blasphemiis in Deum ac Religionem
{ Calumniis & mendaciis in Illustr. Ordd. Am-
{ pliff. Magistratus &c.

*Indicante, ac provocante eum ad tribunal Societatis
Sociniano-Remonstrantica.*

MART. SCHOOCK Ultrajectino Art. &
Philos. Magistro.



ULTRAIECTI,

Ex Officina ÆGIDII & PETRI ROMAN
ANNO M. DC XXXVII.

LEMONT ALA TOLLETTINE

W.D. GIBBS & CO.

100 N. 1st St. St. Louis, Mo.

1892

THE LEMONT ALA TOLLETTINE

IS A WEEKLY PAPER

DEVOTED TO THE INTERESTS OF

THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

AND THE LEMONT ALA TOLLETTINE

Celeberrimis Viris

Dn. IOHANNI W TENBOGARDT.

Dn. M. SIMONI EPISCOPIO.

Ut & reliquis

*Societatis Sociniano-Remonstranticae Directo-
ribus, Professoribus, Concionatoribus, reve-
latis & occultis.*

NEC NON

Eorum Fratribus, ad prædicandam puram do-
ctrinam divagantibus per Poloniam & Holsa-
tiam, &c. S. P.

Celeberrimi Viri,



RIGINTA, aut præter propter anni sunt, quod vos cum antecessoribus vestris, masculè, & heroico animo Belgicas Ecclesias turbaveritis, catasque & famosis libellis omnes librarías, bibliothecas, & angulos compleveritis. Probo equidem studium vestrum. Ni enim miseras manus scribendo fatigassetis, quisque & doctis Lectoribus vomitum civissetis, ad laqueum multis Typographis & Bibliopolis res redisset. Fateor, in ordine vestro extitere multi eximii viri, ignorantiz, calumniandi, & mentiendi laude illustrissimi. Sed ita vivam, si unquam eruditius, ac delicatius corculum Societas in sinu suo aluerit; quàm est accuratus ille examinatus, qui ut aliquando in occultà vestrà Academià in facultatem Theologicam adoptari possit, inexpressibile bellum Inauguralibus Voetii

4.

Thesibus indixit. Quis, qualisve surgens hic Doctor sit, ego qui Oedipus non sum, conicere nequeo. Si aures, frons, lingua, status convenirent: putarem antiquissimam Philosophorum familiam oriundum esse. Ita ubique inter media eruditionis, & sapientiae praeconia, aureum illud modestiae symbolum *Adhuc bibes* h. e. *in vita quare latere*, crepat. Si Samiae philosophiae sectator essem, jurarem animam illius decennium & amplius in ignavo, & domestico catello habitasse. Latrat tam vehementer, & clare, ut caecus primam etiam instantiam, si audiret modum quem libellos ejus lecitare, judicaret caniculam quam post sepem alicubi latitare, quae simul, ac qui praeterit, faciem converterit, magno silentio ad antrum confugit.

Cum stylum arripere primitus, & accuratissimi Examinis lineamenta duceret, metamorphosi quam exuto homine in lupum se transformatum esse judicabat. Vaticinabatur quippe sub formulam *forre*, per Spiritum arrogantiae, *se uno atque alio congressu tam placidum Voetium redditurum, quam ovem*. Existimabat, credo, se solum habere dentes, ac novitium Professore, sponte sua jugulum praebiturum gladio plumbeo, ut si non posset ab eo praecidi, saltem suffocaretur. Non est tam ovis Voetius: nec etiam esse debuit. Respondit Examine (cum salva existimatione illud potuisset contemnere) & quidem ita, ut scio, dicaculo, & fastuoso homuncioni responsum oportuit. Existimabam de vestigio Pyrgopolynicen advolaturum, & ablutis fœcibus, cum novo Professore in oculis omnium congressurum esse. Miranda enim audiveram, ex magni ponderis Remonstrantibus, de ejus sagacitate, & dexteritate: & inter alia quidem, cum semestri praenè ante, quam Voetius responsionem per moras Typographi, cavere eruditorum offerre poterat, Crisin & Replicam (in cella credo apud vinaria vasa) consignatam habuisse. Vulturium esse credebam, aut videntem: qui subodorari posset, quae Voetius scripturus esset. Sed haud diu post deceptum me fuisse, deprehendi. A quo metuebam occupatissimo Voerio, is, visum in speculo Responsionis, Thersiticam suam faciem, ita repente obmutuit, ut per sesquiannum verbum, aut scribere, aut proloqui publice non ausus fuerit. Ne vero otiosus prorsus sederet vir male diligens, numeravit interea studiosissime Thersitis pagellas, singulasque in quaternas literas A. B. C. D. dispunxit, ut credo in numerato inveniret, quae parre eruditionis aut Asinum, aut Bubonem, aut Canem, aut Damam referret.

Præcla-

Præclara etenim ignavi otii ratio! Judicate, vos magni Theologi, an hoc impune homini diligentissimo, & ad aquam ineptienti esse debeat? Persuadere quidem nobis studet, jam ante semestri uno & sexaginta capitibus Thersiten se traduxisse? sed ubi inveniet eos, qui hæc injurato credere velint. Novimus, & edocti sumus, quàm vana vestra promissa sint. Twissum, Walzū, Amesiū ac Vedelium exarmatum jam ante trienniū & ultra expectavimus. Si λόγος argumenta diffari possent, singulis mensibus in comico plaustro triumpharetis. Promittitur quid facilius, quàm præstatur. Perspexi genium examinantis, quicquid tabellis illevis, gessit mox

— è furno redeuntes scire, lacuque

Et pueros, & amicos.

Sed amico, in manum tradidit, sublimem illam Iliada, cujus vel occupationibus, vel cunctatione accidit, ut ne incepta quidam fuerit impressio, cum oporteret absolutam fuisse. Næ ille amicus negligens, cunctator, & omnium odio dignus est, qui tam præclarum existimationis, & eruditionis Remonstraticæ depositum ultra dimidium annum penes se detinuit. Si in collegio vestro suffragii jus haberem, censerem in triconem hunc inquirendum esse. Non enim incuriā, aut occupationibus Typographi hoc accidere potuit. Hardervicenum prælum jam diu serias egit, & avidè ingenii vestri excrementa expectavit. Nescio verò quomodo ardor vester in scribendo pedetentim elanguescit: & malè audire incipitis apud operas Typographicas, quæ quondam cum sub luce per villas, & agros, typos, velut necessariam suppellectilem circumferretis, liberalitate vestrà unctiusculæ esse solent. Sed forte non deest amico, Dn. τῷ Διῷ se excusandi ratio. Enimvero si unus est ex veteranis duellatoribus, scit politicè, catè & subdolè Societatis causam agendam esse. Non omnia quæ dici possent, dicenda sunt. Sunt majuscula, sunt minuscula sacra. Alcibiades, & impuri oris homines inter Epoptas allegendi non sunt. Calculum semel constitutum, reducere semper integrum non est. Quicquid crassus sibi nauta persuadet, dum Voetium de gradu dejicere, & in odii, invidiæ ac maledicentiæ abyssu suffocare studuit, in anceps periculum adduxit Societatem. Calidum nimis accuratum erat examen, cum typis illud author mandaret. Limandum, & dolandum fuisset, ac incrustandum ab iis, qui usu experti sunt, quā cautelā & tectorio, flosculi Sociniani, Apologiis, & Confutationibus

inspergendi sint. Scio caluniarum me dicet examinatore : sed te Reverende Dn. Joan. Wtenbogaerde, pro prudentia, quam octuaginta annorum experientia tibi comparasti, juxta mecum judicare, ceriò mihi perluadeo. Et hæc ratio est, siquidem more sectæ collega vester non mœntur, cur tam diu premantur unum & sexaginta ejus capita. Novitius adhuc est : mysteria non scit tegere. Quæ non arcana religionis vestræ discemus, siquidem capita examinatoris, argumentis quæ stultè in antecessum nobis exhibuit, respondeant ! Norunt illud quoque, qui inter vos, pro tempore censurâ funguntur. Nauticū ingeniū semel pæne fragilem Societatis navim scopulo allisit: nō tam mactos vos esse credo ut sine Palinuro iteratò in Voetiū tironem invchi patiamini. Miror vero, quæ intemperie hominem agitaverint, ut ederet scabiosum libellum titulo *Confutationis insulsi & maledici libri*. Puto, eum somnare, vervecem nos esse. Non terremur Lamie turribus. Occalluimus jam diu ad Thraconismos vestros. Ad capillatos pueros talia terculamenta. *Confutationem Thersirus* sacras chartas examinatore inscribit : & tamen in iis non examinat unū argumentū. Voetii solū indolem delineare, & invidia ei creare studet. Si hæc confutatio est, vicerit vel cuculo judice. Existimo, vos, qui eruditionis opinionem præ vobis fertis, sic quoque judicare, & pudere collegæ. Sed age, paucis libremus argumenta, quibus Voetiū confodere molitur. Puncta omnia non persequar. Illud enim esset, chartam ac atramentum profundere. Generalia solū sectabor, & si quæ erunt ex particularibus ejus ineptiis, & calumniis examine digna, paucis excutiam. Vos arbitramini, & si non æstu affectuum abripiamini, candidè etiam, & secundum justitiæ regulam judicate.

Omnia si componantur, ad tria capita bullata oratio revocari potest. Unum enim illud agit Libertinus, ut maledicum, superbum, & ineptum esse Voetium, probeat. Quam benè autem, videbimus per Dei gratiam. Primò quod ad *maledicentiam*, quam ille passim rabiem, furorem, malevolentiam, & quid non vocat : & propter quàm Voetium pag. 29. convitiatoribus accenset, de quibus testatur Apostolus 1. Cor. 6. v. 10. eos extorres fore regno cœlorum : de eà hæc habete. Non est ita Voetius in sacra Scriptura hospes, nec tam *ἀσπύς*, ut ignoret ex Pauli præcepto Gal. 6. v. 1. *Fratrem, qui præoccupatus est in aliqua offensa, reconcinnandū esse cum spiritu lenitatis. Et servum Domini non suum esse oportere, cum lenitate erudiendum eos, qui contrario*

animo sunt affecti. 2. Timot. 2. v. 24. 25. Sed etiam per Dei clementiam, præditus est prudentiâ, ut sciat quomodo homines, & adversarii distinguendi sint. Sunt quidam leniter tractandi, alii asperè. Nonnullis malagmata, & fomenta, aliis scalpelli, & cauteria adhibenda sunt. Hypocritis frons detrahenda; & quorum conscientia callo est obdura, candentibus forcipibus, & ferreis manibus arripiendi sunt, & tam diu vellicandi, donec sentiant. Medici sunt, verbi divini ministri. *Imperitus autem est medicus* (ut dicit Cyprianus de Lapsis) *qui tumentes vulnere sinus manu parentis contrahat.* Præcessit Servator noster benedictus, secuti sunt eum Apostoli. Cur non & Voetius, cur non pii, & Zelotæ omnes perfectissima illa exemplaria æmulentur? *Via duces cecos vocat scribas & Phariseos* salvator noster Math. 23. v. 25. *fatuos & cecos* ib. v. 17. 19. *hypocritas* ib. v. 25. *sepulcris dealbatis* assimilat ib. v. 27. Et passim per totum caput threnodes illud *va, va* ingeminat. Sic & Petrus Aët. 8. v. 23. *Simonem magum in felle amarissimo, & connexu iniustitia dicit esse positum.* *Elimam filium diaboli, & hostem omnis iustitia* salutat Paulus Aët. 13. v. 10. Idem *canes* vocat eos Phil. 3. v. 2. qui Evangelium cum circumcisione miscebant. Quàm acerbis quoque, & pungentibus verborum spiculis Petrus in posteriori sua Epistola, & Iudas confodiunt hypocritas, qui gratiæ mantelo vitia, & sceleritates suas velabant. Quis tamen propterea eos convitiatores vocavit? Alia sunt convitia, alia verba mordacia, aculeata, ac dentata.

Convitium desinit esse convitium, si dicitur oportune merenti, ad excitandum eum ex veterno. Sic mitissimus mortalium Nazianzenus, acerbissimas invektivas in Juliauum Apostatam scripsit. Cyprianus fervens alias Zelo charitatis, quàm acriter quoque in Demetrianum non in vehitur. In Iovianum quamvis innocentem debacchatur Hieronymus, quod eum frontem ferre, & graphicum hypocritam esse putaret. Ita Hiralius Arrianos, ac Prudentius Symmachum exceperere. Imo ad ipsum Cæsarem Constantium, majores Sociniano-Remonstrantium eodem fervore excepit, pientissimus ac constantissimus virorum Athanasius. Vir Dei Lutherus fulgura & tonitrua in omnibus scriptis vibrat, & tamen qui tanti à vobis æstimari solet Erasmus, eum laudat. *Nostri*, inquit in Epistolis, *moves meyerunt tam inclementem medicum, qui sectionibus, & usturis curaret.* Imo excusatum eum it Zuinglius, & fratrem vocat in lib. quo respondet ejus libro de Sacram. cum Zelo præpostero

postero, & non secundum scientiam, sincerè tamen in Tigurinos, & sacramentarios, ut dicebat, quàm acerrimè tonuisset. Satis diu lenitate erga vos, & sectam vestrā usi sumus. Animū ea illi addidit progrediendi in mystica Socini Theologia. Si initio, dum pudoris aliquæ adhuc guttulæ penes vos erant, acris remedia ab omnibus fuissent adhibita, puduisset vos forè, & in erroris ac hæresium pestiferarum cloacam tot simplices animas non pertraxissetis. At dum pleraque tolerantur, & leviter tantum admonemini: dum moderatores (reverà monitores pessimi) charitatem, tolerantiam, clementiam clamant, alacri animo progressi estis, & quod intra pectus occultè circumferebatis venenum, intrepide inter simplices, & in scriptis evomulistis: Viam ad moderationem, & lenitatem vobis ipsis obsepevultis. A lixivio, sale, & sulphure quid tantum boni conclamatis ulceribus sperari potest. Miror verò, quodd aut examinador, aut quis ex vobis, Henrici Nicolai Speculum Iustitiæ per Spiritum charitatis scriptum, non excusserit, & orationem de Christiana charitate in Voetium scripserit. Hæ enim vestræ artes sunt. Si leniter tractamini, ridetis, & ocymum occinitis: si vero asperiusculè, intolerandum quàm hypocriticè de modestia, & charitate violata garritis, ut si non per acrimoniam verborum, simulatam saltem charitatem, & modestiam elabamini. Quamvis verò, ut ex sexcentis libellis ostendi posset, ipso Theone, aut Archilocho acerbiores sitis, modestissimi tamen, & humillimi videri cupitis, ut liqueat omnibus, tam hypocriticos vos esse scriptores, quàm hypocritica est tota religio, & devotio. Quod ad Voetium, quàm in eo execramini acerbitatem, & malevolentiam, eam omnes Zelotæ, & pii, quibus charior est Ecclesia, & Christus, quàm favor tepidorum Christianorum & magnatum, ut virtutem & prudentiam exosculantur. Vestrorum, pseudo-politicorum, & quorumcumque frigidorum scæva judicia pili non facimus.

Tantum de Voetii acerbitate, & malevolentia. Quod ad fastum, & superbiam, eam præter fastuosissimum Examinatorem, nunquam quis ei exprobratum ivit. Qui norunt eum domi, sciunt quam ab omni specie externæ, ac intrinsecæ superbiz alienus esse studeat. Sed quale tandem elatum hoc supercilium est, quod secundum indolem suam *stultitiam* vocat Examinador in Confur. pag. 24. *Voetius, scripsit in Thersite* p. 256. *ad vocationem suam pertinere τὸ πᾶν, aut universum contemplari.*

Lepide

Lepide. Ablegate examinatore ad Scholas triviales, ut discat, quid universum, aut τὸ πᾶν sit. Voetius loquitur de universâ naturæ machinâ, quæ usitatissimè in libris & scholis philosophorum nomine τὸ πᾶν, aut universi significatur, ut tum ex antecedentibus, tum ex consequentibus liquet. Legite ipsi, & ferulis barbarum examinatore objurgate. Sed demus, Voetius per τὸ πᾶν, intellexit artium circulum, ac periodum. Quid tum? An is qui vocationis suæ omnes numeros implere studet, ad stultitiam usque superbus est? Mirarer si quis alius tam crasse philosopharetur. Chimæras, & Tragelaphos tales ab Remonstrante pingi non novum est. Quia Societatis Theologia intra quinque articulos positivos, & infinitos negativos consistit, haud mirum est, rideri Voetium, qui Theologum, universi contemplatorem esse desiderat. Talem vult esse Architectum, & mechanicum hominem Vitruvius in opere de Architectonica: & vitio vertetur Theologo, qui promptuarium omnis eruditionis, sacram Scripturam nempe, evolvere, ac de omnis generis casibus respondere debet, si dicat ad vocationem suam τὸ πᾶν pertinere? Legite, & evolvite omnes qui de studio Theologico scripsere, & serid ab iis, omnibus Theologiæ candidatis hoc inculcari deprehenditis. Unus fortè Socinianismus, putidæ rationis excrementum, cum simia sua Remonstrantismo excipi posset. Corrupta ratio promptuarium est Socinianicæ Theologiæ: paucis illa subsidiis, paucis adminiculis indiget ad omnia neganda, ridenda, exhibilanda, ac immora Christianæ veritatis dogmata labefacienda. Cyclops quis, in Deum etiam blasphemus esse potest! Et quanquam linguarum studiis superbit, non tamen valde indiget. Quamdiu Forsneri & Scindleri Lexica in rerum natura erunt, non deerit graculis materia cornicandi, & inspidè ex fontibus, contra certissimas interpretationes excipiendi. Remonstrantismus unum tantum, certum fundamentalem articulum habet, communem omnibus hominibus, Turcis, etiam ac Gentilibus. Hebr. 11. v. 6. *Qui accedit ad Deum, hunc credere oportet esse Deum.* Ad eum inculcandum haut magno apparatu, aut multis libris opus est. Grande illud Antonii Eremitæ volumen instar omnium esse potest. Quid ergo mirum, si ex principiis pseudo-theologiæ suæ examinatore, reprehendat Voetium, quod ad Theologiam, choragium omnium artium, & omnium scientiarum desideret. Neque vero quis putet, ita insanire Voetium, quemadmodum libenter indoctis persuaderet Examinatore,

minator, ut sibi uni omnium rerum perfectam scientiam arroget. Novit, & digessit Socraticum illud, *Quantum est quod nescimus!* Non se Iurisconsultum, non Medicum venditat. Eoulque solummodo in iis facultatibus, aliisq; architectonicis disciplinis progredi studet, quantū sufficit ad solidæ, & interioris Theologiæ penetralia referenda. Si vero, ut est helluo librorum, paulo ulterius in qua disciplina procedat, quis ei invidet? quis ringat? Ostentatis ut vestrum vulgè, virum nomine suo, & vestrâ eruditione augustiorem Hugonem Grotium. Et tamen ille intra terminos Iurispergentiæ se non continet: Theologi, Philosophi, Astronomi, Historici, Poëtæ, Literatores gloriam affectat. Fallimini longè, si Deum in unum omnia dona sua effudisse credatis. Vivunt inter Theologos, vivunt inter Literatores, & aliorum ordinum viros doctos, qui magno & excelso animo, nec non Herculeâ diligentia, auspice Deo, & duce ingenio ad summa, ac excelsa contendunt. Quis verò adeo dissortus, & malevolus est, ut existimet ex iis neminem scopum attingere, sed omnes ita desperationis occulto igne feriri, ut circa media, aut infima subsistere cogantur? Miror verò quomodo Thersites hostis universalis scientiæ, titulum examinitoris sibi arrogare ausit. Vix viginti in vitâ authores legit, & Voetii Theses, quæ desolatæ sunt ex Philosophiâ, Literatura, & omnibus partibus purioris Theologiæ, oppugnare audet. Iudicate vos. an non egregiè collega vester se retibus implicet, ac apodictico argumento, Heautontimorumenum se esse, omnibus manifestum faciat. Sed video cur Voetius παντόλαβος ille, Carite cerâ dignus sit. Non more aliorum Academicorum Professorum itque reditque viâ, & ferram identidem per eandem lineam reciprocatur? Quid tum verò? Maximos Theologos authores habet, qui extra circulum vulgarium locorum communium, rariore Quæstiones, problemata, & controversias quâ practicas, quâ theoreticas tractarunt. Inter quos facile primos ordines ducunt *Petrus Martyr, Bened. Aretius, Hiero. Zanchius, Ursinus in Thesibus, Ioann. Rainoldus, Lamb. Danæus, &c.* Quod piaculum, quodve scelus si horum vestigiis Voetius insistat? In aliis Academicis in Theologiæ, & Religionis fundamentis, vulgatisque controversiis solidè eruditur juvenus, & per disputationem, quâ publicas, quâ privatas gnaviter exercetur. Fit & à Voetio publicè, qui ordine singulis sesquiannis absolvit disputando totam confessionem Belgicam, & tertiam partem Catechesios. Ac interea tamen laborem maximorum virorum

virorum, & scripta, quantum potest diligenter, ac studiosè auditoribus, & discipulis proponit, atq; inculcat ut ex iis colorem primitus summæ illius sapientiæ ducat, cujus nectare repleta, & penitus imbuta esse debet. Symbolam dein suam confert, & Thesisbus rariora, difficilioraque capita aut ex Dogmatica, aut ex Practica Theologia pertrahat: Ut nihil studiosis deesse queat, ad assequendam, aut eminens saltem conspiciendam perfectam purioris, & Orthodoxæ Theologiæ cognitionem. Quis hic fastus, quis typhus, quæ vanitas est? Exulceratorum, & ignorantium animorum judicia non moramur? Sed alia adhuc ratio, cur inter elatos, ac superbos Voetius censerì debeat? *Incipit aliquando in incomparabilem virum Hugonem Grootium*, pag. conf. 31. 32. 33. Quid iù verò? Magnus est Grootius, stupendæ eruditionis, celebris, & honoratus, & tamen homo est: ac non satis defecatus à fermento Socino-Remonstrantismi. In Nicena Synodo simplex, & devotus quis Christianus confudit, ac ad incitas adegit magnum, & elatum philosophum. Quod flagitium si Voetius secundum vocationem suam inquirat in Grootii Theologiam? cum ipse velut ἀλλοτρίοις νόμοις inquirat in alienam: & subdole libello de veritate Christianæ Religionis, in omnes linguas pene translato, apud cujuscumque religionis homines fundamenta Socino-Remonstrantismi molitur? Grootius sententia Ill. Ordd. General, perduellis, nec major, nec doctior Iuliano Apostata est, in eum tamè exorbitantem à fide Christiana, Philippicas, & tela Basilii ac Nazianzenus vibrarunt. Non odio, non malevolentia, fastu, aut opinione eruditionis in Grootium fertur Voetius. Conscientiæ, & vocationi suæ secundum dimensum à Deo confessum, semper, ac omni occasione satisfacere laborat: & ut possit Deū obsecrar. Si Grootius, si alius quis insidias veritati, insidias Ecclesiæ, insidias simplicibus animabus struat, clamare, & omnes monere debet. Et *va etiam ei*, si non faciat. Miror verò maximè, quod ridiculus examinatorsciam suis met cruribus illidat, citando integrum Grootii locum ex præf. Christi Patientis ad Illustr. Ianninum: in quem Voetius tantum digitum intenderat. Qui censet cum Grootio, *Stabilità necessarià ad saluam veritate, in sedes rediri posse cum Pontificiis*, quid ille aliud agit quàm ut lucem cum tenebris, & Christum cum Belial societ. Lux fugat tenebras, veritas mendacium: non potest stabilita esse veritas ad salutem, ac simul stare Papismus. Hæc duo debent conjungi *Perfectus amor Christi, & perfectū odium*

Papa : ut rectè vir Dei Lutherus vidit, cum in Smalcaldico conventu duo illa Germaniæ proceribus, qui eo ad fœdus ferendum conveniant, precaretur. Si vera sit Grotij sententia, falsus erit Spiritus sanctus, cum omnes fideles, & electos Dei filios monet & hortatur Apoc. 18. v. 4. *ut exeant à Babylone*. Quid enim opus est exire, si stabilità veritate in cujusque animo, fœdus & amicitia cum magna illa meretrice observari possint? Sed video cur pro Grootio Examinator omnem eruditionem dilapidet. Oratorem Coronæ Sueciæ agit Cl. vir, palpo eum percutere studet, ut postea per occasionem munuicula & xenia accipiat. Hoc verò quàm ridiculum, quod Voetium velut plagiarium traducit pag. 33. cum hoc Libertino-Paganico Epiphonemate, *si superis placet*, quod locum unum aut alterum citaverit p. 243. ex Grotii libro de Iure Pacis ac Belli. Ideo scilicet *exulcerata Voetij mens*, quia ad confirmationem suæ thesios quid citat ex scriptis illius, quem alibi ex verbo Dei arguit, & reprehendit. Quid ineptius, aut magis maledicum cogitari potest!

Pervenimus ad ineptias Voetij. Ineptias autem voco, ea omnia quæ examinatore vester lepido Sarcasmo, quia non poterat solida responsione, procurat. *Primò occupationes* à Voetio in Therfite prætextas insectatur, & nescio quas non nugas, & apinas congerit: ut aniculis & pueris persuadeat horribilem se leonem esse, & Voetium ægrè compelli potuisse ad scriptionem Therfitis. Qui octonis singulis hebdomadis lectionibus, & ad hoc ordinariâ disputatione publicâ, & privatis collegiis, & concionibus distinetur an illi multum temporis superesse potest ad confabulandum cum inepto, insulso & improbo congerrore? Ut ut occupatissimus tamen extitit, intra trimestre absolvit Therfitem, dolorem illum oculorum vestrorum. Non prodiit tamen ante nonum mensem per Typographi occupationes, qui uno tantum proelio & famulo instructus simul hebdomadales Theses, edita publica, & alios nonnullos libellos, cum Therfite libro satis spisso intra angustū illud spatiū absolvere debuit. Sed ubi fides & pudor! Voetio strenuissimo Antagonistę vestro vitio vertitis, quod octo mēsis occupatus fuerit in Therfite, & cū properare se diceret, nonnullibi tamen prolixè respōderit. Cū vos, vos inquā, quorū hypocrisis, Pseudo-theologia & factio in ejus libro cautherizantur, & condignè traducuntur intra sesquiannū non nisi exiguū, eumq; maledicum, insipidum, & cassa nuce inaniores libellum

libellum parere potueritis. Quem enim superiøre ætate quis ex vestris ignorantiae fratribus protrusit, narratiunculam illam puta de lepida & ridicula Nærani disputatione, ineptiã ineptior & barbarissimis, ac solocismis haud secus ac Deus Cöpostellanus suis conchis obfusus est, ut vobis etiam qui eruditi haberi vultis, adjudicare non ausim. Barbarus & omniũ rerum ignavus Mönachus pater atri illius fœtus videtur, quem ideo solũ nullã responsione dignati sumus, quod certò credere-mus, vos ne quidem occultã, aut revelatã vestrã Academiã eum dignari velle. *Secundò ineptus*, & quid non amplius Voetius est, quod post tot egregios tractatus de Electione & Perseverantia earumq; usu tautologus esse noluerit, & odiosè crambem quinquarticalanam recoquere. p. 5. 6. Validum argumentum prostermit enim totum Remonstrantismum. Si quæras ex Fratribus; cur non Cameroni, Twisso, Gomaro, Walæo, Vedelio, Amefio, Riveto, Polyandro, aliisque ex nostris qui aciem eorum diffilarunt, respondeant, audies confirmatam abundè (in jactabundo puta cerebro) esse veritatem, crambem recoqui si iterum respondeatur. Alterutrum ergo verum. Aut bene respondit Voetius digitum intendendo in authores: aut rectè redarguitur ab insulso Examinatore, & simul totus Remonstrantismus cadit. Nisi quis fortè ideo pertinacior in statu consistere putet Remonstrantes, quod scripta Antisynodalia, in quibus quinta essentia eruditionis & delicatissima medulla compareret, ideo sint inexpugnabiles Gorgones, quod ante 19. annos fuerint exarata, & tota dein exarmata ante sexennium quidem ab Amefio: ex parte autem diu ante à Cl. Walæo, & Gomaro, & in hunc usq; diem à nemine adhuc in integrum fuerint restituta. Oblectate vos hoc soliditatis somnio, nos minime invidemus. Excusare potiùs te Dn. Episcopi volumus: credimus certè hæcenus te non potuisse per occupationes occurrere, & obviam ire adversariis tuis. Quas enim non molestias, & quæ nõ rēdia quotidie devoras, dũ crassos, vetulos, stupidos, & ignorātes fratres voce, & scriptis, à nullo hypodidascalo adjutus, Socinianam rhetoricam doces. *Tertio* ob ineptam provocationem in tribum ineptorum, Examinator Voetium rejicit. Provocavit quosvis ex vobis: nominatim verd postulavit, ut indicaretis sibi gentem, domum, patriam, & conditionem Examinatoris. Quæ æquissima erat efflagitatio, iniquissimo silentio huc usque à vobis est rejecta. Quascumque ad disputandum, & conferendum obtulit condiciones,

repulistis, & risistis. Sardonice tamen. Rabbini magni, & sublimes DD. videri cupitis, & interea vix proletarii estis Theologastri. Inter vestros cum garritis, omnes contemnitis, & solam eruditionem sub tunicâ vestrâ habitare somniatis. Ubi tamen scribendum, disputandum, aut colloquendum est, latebras quæritis, & prætextu negatæ libertatis ex arenâ curriculû in antrum confugitis. Unum te excipio, Samuel Nerane, cujus bruta phantasia tam firma est, ut quamvis semel ob ineptias, futilitatem & ignorantiam ab omni ordine sis explosus, firmissimè tamen credis te triumphasse, & auream cicadam promeritum esse. Si liceret, vobis tam perfectis, & excelsis DD. consulere. Author essem ut Verroni, Gordoni & Arnaldi celebrium inter Gallos Jesuitarum consilium sequeremini, cùm enim animadverterent se salvâ existimatione Disputationem, ac Collationem cum Hugenottis evirare non posse, & tamen semper aperto ac vulnerato latere ab iis redire: hæc Archimedeâ sophismata excogitarunt: I. *Ut collaturi nunquam partes Respondentis obeant.* II. *Ut non respondeant ad ullas quæstiones, qualescunque sint.* III. *Ut Hugenottos tantum oppugnent, & ad Respondendum constringant.* Argutè etenim, ac politicè. Imitamini viri subtiles, & non tantum certe triumphabit de Voetio, si cum eo congregiamini, sed profundè quoque in animi sinu Socinianica, & id genus alia opinionum monstra occultare poteritis. Credite mihi, probatum est, quod suggero consilium & siquod, utilissimum vestræ existimationi, ac religioni existit. Miror verò Societatem hisce Halcedoniis ad eam pauperiem esse redactam, ut non sufficiat sumptibus Notarialium actuum, (ut indicatur p. 15. Conf.) quos postulavit Voetius: quandoquidem sub maxima persecutione abundè multas ficas, & sclopeta ad occidendum Illustr. Principem ex gazophylaciò comparare potuit. Et ita Voetium à malevolentia, fastu, & ineptia vindicavimus. Tantum verò Libertino Remonstranticus Examiner sibi in fornicatione, & multiloquentia plaudit ut etiam p. 46. advocet ac inclamet in misellum Voetium omnes, qui in diœcesi Ultrajectina sunt Pastores. Quasi verò illi ejusdem commatis, & Sceptico-Libertino-Athei sint? Hæreat miser tam diu in catadupis horrendorum mendaciorum ac calumniarum, donec vel unum in tota diœcesi laudaverit, qui tam sinistrè, ut ipse, de Voetio opinetur. Ingemiscere enim deberent, quod Voetius pro causa religionis, & Ecclesiæ, nec non pro eorum securitate, & honore,

nore, in annis assidud stet contra vos, juratos veritatis, pietatis, Religio-
nis, Ecclesiæ, & Ultrajectinorum ministrorum hostes, & solus propè o-
mnem impetum calumniarum, mendaciorum, ac sarcasmodum vestro-
rum sustineat. Si quis verò inter eos tam ingratus, & impudens forte
inveniat, ut quia per Voetiũ contra machinationes vestras clandestinas
defenditur, in eum iram, & ignorantiam convertat, nã ille bestia
quavis inhumanior, & hominis nomine indignissimus est, quod & æter-
num, ut scio, non probabit. Velleis quidem, Pastores Ultrajecti-
nos in Voetium insurgere, & vobiscum conspirare ad eum opprimen-
dum, & ejiciendum: sed non fiet per Dei gratiam. Aliter ac vos de
eo existimant: ut & nuper illustri documento ostendere, cum totã
consentiente classe, humaniter, grater, ac benevolè de xtras frater-
nitatis ei porrigerent, ac in ordinarium Trajectinæ Ecclesiæ Pastorem
promoverent. Fallimini longè, si omnibus Pastoribus ignotas esse pute-
tis heterodoxias, & pudendas vestras hèreses. Norunt illi eas. Et
vos quoq; fateri cogimini, in famosis, virulentis, inspidis, & puerilibus
libellis, canticis, & satyris, quibus nuper Dn. Ludovicum de Renesse,
virum insigni eruditione, eloquentiã, & vitæ innocentia præditum tra-
duxistis, cum ad Ecclesiæ ædificationem doctè, æreose, & ad pie-
tatis praxin, contra Pelagiano-Socinianos errores vestros de Immobili
vitæ termino disputasset. Mirari verò nequeo Dn. Episcopi, quodd non
compescueris catellos, qui improbo & stulto suo latratu eruditionem
tuam magnam partem infamem reddidere. Si haberem gladium, qua-
lem te habere jactas post alterum Davidem (Georgiũ scilicet), in
domesticos potius pueros, eum stringerem, quàm ut paterer eos sor-
didis & putribus pomis contra serios, ac doctos adversarios pro me
pugnare. Sed ad lineas. Ubi volitet examinador, ego ignoro, nec ipse
sciri cupit. Puduit enim eum nominis, puduit & ejus typographum.
Stigmatiam esse oportet, & inter vos infamem, cur enim aliàs dice-
ret. Pag. 16. *Quod impetrare à se non potuerit, ut consutationi nomen præ-*
scriberet, quia non videt sui nominis celebritatem, ad ullam Ecclesiæ ædifica-
tionem pertinere. Si Iacobus de Batelier est, ut ipse haud
obscurè innuit, p. 14. ac 15, mirum non videtur. Metuit adhuc Angli-
canos forcipes, & virgas. Sed dicit se *Tintinam non vertisse.* p. 14. *Cnr*
ergo per mensem unum cum alterum extra Belgium, ut ipse fatetur, diva-
gatus est. Aut hoc fuit, cur fugeret, aut quod gravius crimen. Inno-
cens

cens non fugit, sed adit judicem, ac se expurgat. *Sed Leida habitavit tam diu, & nunquam postulatus est à pratore. p. 15.* Quasi verò lenitas magistratus Belgici in exequendis edictis suis, sacrum caput noxæ eximere possit. Sed aliud, gravius credo adhuc, sub pectore flagitium coquit, Deus novit, & forte etiam vos. Ego non admodum curo. Sufficit hominem deprehendisse in propatulo mendacem, blasphemum, & calumniatorem. Nullus vero dubito, quin hic mihi astipulemini, & blateronem corripueritis, quòd illoto ore, & fervido stylo importunè, & alieno tempore in novitii Professoris disputationem grassatus fuerit, cum ne verbulo quidem esset læsus: nec Societas insolenter traducta; nisi quòd Voetius ingenuè doctrinam Ecclesiarum Reformatarum còtra còsiderationes Remonstrantiù & furiosas furiosorum exprobrationes defensorum se diceret. Quod in omnibus Academiis sic fieri, nec aliter sacra illa constare, norùt qui unquà illas humanitatis officinas viderunt. Nec persuadere mihi possum, vestro consilio stultam & ridiculam hanc Confutationem prælo subjectam esse. Nisi fortè ad unum omnes insaniatis, & sapientiam, prudentiam, atque eruditionem universam decoxeritis. Miror verò, quòd funginum caput, confutationi suæ non addiderit epithetum accuratæ, æque enim in eam ac examen quadrat. Sed video? Augustum illum titulum reservavit uni & sexaginta capitibus: in quibus quamvis omnia se examinare jactet, præterit tamen calumnias, mendacia & blasphemias plerasque ob quas à Voetio postulatus est, ut, cum Deo, cæcis etiam ostendam Videte verò stellionis versutiam? In Confutatione, quâ se purgare, si non deturpare, studet: hoc tantum agit, ut post latratu in Voetium, Examen suum vindicet ab ejus criminationibus. At quàm subdole? Voetius exprobravit ei mendacia, & calumnias in *Ampliss. Magistratus, Religionem, & Ecclesiam, blasphemias in Deum, heterodoxias, Contradictiones & falsum.* Ille verò quasi omnes eruditi æquè talpæ, ac matulæ essent, frigide, & ita ineptè, ut subsellia etiam Synagogæ vestræ fleant, respondet solum ad objectas ineptias, contradictiones, nugariòres, & falsum à p. 26. ad 29. Ultro concedens, & admittens, se manifestu calumniarum, mendaciorum, ac blasphemiarum in Deum & homines esse. Ne verò me vobis similem esse, & clamare tantum putetis. En syllabum mendaciorum, calumniarum, blasphemiarum, & ineptiarum, à Voetio in Thersite objectorum, ad quæ ille neque in Confutatione respondet, neque in uno

uno & sexaginta capitibus se responsurum promittit.

*Calumnia & mendacia in Illustrissimos DD. Ordd. & reliquos
Belgiæ Magistratus, venenato ore & calamo à Thersite ante
hac ejecta, & silentio præterita in Confutatione, & elencho unius
ac sexaginta capitum.*

Quid futurum, nisi quod videmus, cum suspitione tantum gravarentur
(Magistratus nempe) ut publici odij, & convitiarum fierent quotidiana vi-
tium: cum manifesto seditionum periculo donec loco moti fuerint; & quidem
ut intelligas ob religionem fuisse motos in tanto numero, tot urbibus, tot colle-
giis, omnes ad unum loco moti sunt, nisi qui erant, qui mutatâ professione pa-
rati essent vel cum anima detrimento ordinis emolumenta conservare. Pag:
26. Exam. Cur hic altum Seriphia rana, & blasphemus alienæ con-
scientiæ judex silet? Si vir bonus haberi cupit, vel unum ex Illust. &
Ampliss. viris laudet, qui contra conscientiam, cum animæ detrimento,
religionem mutaverit.

Verbis tuis insane Voeti non pacabitur Magistratum conscientia, qua
nimis apertè eis dicit, vos docuisse persecutionem in Remonstrantes esse lici-
tam, atque justam. p. 24. Exam. Iactat quidem se cap. xi. infani vo-
luminis sect. 29. & 33. soluturum esse Voetij cavillationes de Magistra-
tum absolutione ab omni culpa. Sed quid hoc ad rem? Nominare &
laudare eos deberet, quorum conscientia pulsatur, quodd editis quos-
dam publicæ quietis hostes provinciis suis ejecerint. Si non faciat, vi-
deat ne infame K. in fronte aliquando circumferat.

Hic damnas venerandos tibi Magistratus, cum multi inter ipsos existant,
qui verum controversie statum inter nos, ac vos non satis intellexerint. p. 47.
Exam. Promittit se hoc defensorum cap. 39. Sed nisi nominatim eos
adducat, & quidem alios, quàm quos mendacissimus author Nullita-
tum Synodi traduxit, Cretensem temp. ei mandabimus.

Equidem si essem ego Magistratus Ultrajectina reip. mox avidè consilium
tuum arriperem, & tibi interdicerem ne posthac cum authoritatis mea di-
spendio tuam disputandi laudem ambires. p. 48. Exam. Quid silet hic
furfur? Ostendat, & doceat Ampl. Magistratus Ultrajectini existi-
mationem per Voetii disputationes lesam esse. Ipse etenim Magistratus
aliter censet. Quandoquidem stipendiū ejus bis, & quidem sponte sua,
non compellatus, liberaliter addauxit: sumptibus juxta in editione De-

sperata Causæ Pápatus, nec non promovit inter Ecclesiæ suæ Pastores; Quid quod hac hebdomadâ tale honorarium constituit Respondentibus sub eo disputantibus, ut non putem in ulla Academia amplius esse concessum. Tanti scil. facit scripta & Disputationes ejus Theologicas, quas nugis accêset Therfites ! Vigies quærit Senatus noster, qui cõtra vestra molimina assiduo in statione stent. Hinc & ante paucas hebdomadas post tres ex animosissimis vestris adversariis frustra sollicitatis ex Franckerana Academia, pientissimum, doctissimumque virum Dñ. *Meynardum Schotannum* accivit. Nec ulli quoque alii ad ministerium aut Professionem Theologicam ab eo nominantur, quàm qui doctrinâ & vitâ probant se longissimè abesse à Sceptico-Libertino-Socinianis. Frustra quid boni amplius speratis à vestro quondam peculo Ultrajecto. Scio latrare incipient omnes vestri catelli, sed eos non pluris facio quàm ancillam, quæ latrinam lavat.

Calumniæ & Mendaciæ in Ecclesiam Reformatam non diluta adhuc, nec æternum diluenda.

Quis intelliget Poetæ religionem propriè Catholicam esse, quæ profiteri debet expositionem sacra Scripturæ, non modo secundum Catechismi, & confessionis alicuius tenorem, sed insuper ad pressiore[m] quandam declarationem factam in Synodo Dordracenâ. p. 8. & 9. Exam. Nihil illud ostenderit cap. suo decimo ex aliquo nostrorum Theologorum scripto, ipsam calumniam calumniando ab eo esse victam clamabimus.

Docetis omnes & singulos etiam reprobos credere debere se esse electos, p. 16. Exam. Si quem ex nostris adducere possit, qui hoc scripserit, totam causam tradam.

Cum sint Contra-Remonstrantes Domini publicorum templorum, cumq[ue] illis ferè solis omnium Ecclesiasticorum, & Politicorum munerum beneficia sint destinata, videas tamen quibus locis illi maximè triumphant minimam esse quietem, crucem esse quòd Remonstrantes videre cogantur, mortem quod non liceat extinguere, p. 25. Exam. Probet vel in uno pago hoc verum esse. Nisi fortè eos tumultus esse censeret, quòd strenuè oppugnentur sui Remonstrantes, qui instar porcorum, nullis aliis armis, quàm solo fereatu, & grunniu tamolorum canticorum, & libellorum, jam defende rese possunt.

Fateor discrimen quod est intra Supra-Lapsarios, & Infra-Lapsarios
santi

tanti non esse debere, ut propterea unitatem sua seclē scindant, etsi alteri alteros gravant, non minus execrandis consequentiis, quam adversarios ipsos. pag. 26. Exam. Adducat testimonia eorum, qui se invicem tam intollerandis consequentiis gravant.

Ob duram vestram religionem, nullo negotio concedunt omnes passim per hasce provincias in castra pontificiorum p. 33. & 34. Exam. Ni ad minimum decem nominaverit, ex iis qui ex parte religionem intelligunt, qui hoc prætextu ad Synagogam Antichristi transiere, calumniatorum & mendacium dictator erit. Sed forte Bertium suum, & similes apostatas, immediatē ex Remonstrantibus factos Papistas respicit. Vindicet sibi hanc gloriam, si quæ est, Sociniano Remonstranto-Libertini Scepuicifimos, non Ecclesia Reformata.

Quid ergo hoc prætextu Magistratum à Synedrio, id est à potestate Ecclesiastica excludis, p. 47. Exam. Ni exemplis probaverit hoc verum esse, ne le dignum ostendit, qui arcæ robustæ includatur.

Quia in N. T. scriptum est: Ita & vos cum feceritis omnia quæ iuncta sunt vobis dicite, Servi inutiles sumus, quod debuimus facere, fecimus. Inde colligitis nos ad omne malum propensos esse, inutilesque ad bonum, pag. 40. Exam. Unum Theologum, Theologi nomine dignum, mihi laudet, qui in libris suis, ita crasse Scripturam tra&averit.

Mendacia & calumnia sine modo, sine ratione effusa in Ecclesias particulares, Synodos, Doctores & Pastores, quibus neque in Consultatione satisfacit Therfites neque in LXI. capitibus satisfacturum se promittit.

Scio vestrum nonnullos negare quod Deus homines ad mortem prædestinaverit, utuntur aliâ phrasi paulo mitiore, ut rem planam obscuram faciant. p. 36. Exam. Indicat nostros illos Theologos, qui doctrinam clarissimē in Scripturâ propositam, per ambages proponant: alioquin omnes prographico mendaci, & calumniatore cum habebimus. Scio, Iterum ex Tigurinis Theologis non neminem, & Melanthonem objicier. At de iis tories tam liquidd, tam solidē responderunt nostri, & post omnes Godefridus Sopingius de Melanthane, ut nec Grotius, nec ullus ex ejus gnatonibus verbū illi reposuerint, De domesticis Theologis, & quidem Voetii fratribus, Therfites loquitur, Diogenis ergo lucernam capiat, &

videat an ipso meridie vel unum invenire possit, qui eum à mēdacio ac calumniā vindicet. Et iterum : Si reliquis ejusdem professionis Pastoribus idem videretur, credo equidem proponerent & ea clarius suis auditoribus : sed contra est, tum enim judicant se quàm maximè pietatem promovere, cum ea dogmata prudenter tegunt. Hoc eò fit, quia quamvis illi sententia non favent : tamen non ita perspiciunt quā ratione pietatem promovere possit. Unde si quis à pietate alienus esse videtur, apud hunc vel bis cere de articulis istius religioni habent, &c. pag. 15. Exam. Dilutam & retusam hanc calumniam videte in Therfite Voetii p. 71.

Cùm Synodus Nationalis ex meris Contra-Remonstrantibus, & multis quidem acerrimis convocata esset Dordracum, non defuerunt tamen, qui Delegatos suos eò miserunt, cum hoc expresso in literis fiducialibus mandato, ut non modo secundum Dei verbum, sed etiam secundum analogiam fidei, confessione, & Catechismo Ecclesiarum Belgicarum comprehensum, judicarent. Cùm tamen ipsi sentirent in eā Synodo de formulis ipsis Ecclesiasticis judicandum esse, vel verius pronuntiandum. p. 24. Exam. Rancida, & antiqua calumnia, quam nisi probaverit Therfites, dignum judicabimus, ut argueret sit authoris de Nullitatibus Synodi Dordracenæ.

Successit Geldrica Synodus, in quā non dicam, quā multis artibus usi sitis, ut suffragiorum numero potiores evaderitis. p. 31. Exam. Aeternum non probabit apud æquos censores malas has artes.

In Synodo Geldrica, Henricus Arnoldi, nomine ac mandato Synodi Synod. Hollandica, id est, puto tuo quoque ipsum nomine, inter ceteros, cum execratione detestatus est ea ipsissima axiomata, quæ in Hollandia medullam esse clamabatis Evangelij, per apertum mendacium officiosum pro tempore. pag. 32. Exam. Mendacium Remonstranticum, cujus notæ alia sexcenta inter suos jactare solent.

Hic finitus est Synodus vestra Dordracena, præter multorum Epicureismum satis manifestum. p. 33. Exam. Quia Remonstrantismus compendiosissima via est ad Atheismum, nimidū vellet ferrei oris Therfites, ex Dordracenæ Synodi canonibus Epicureismum hauriri. Politicè sanè. Inter Atheismum ac Epicureismum faciliè syncrētismus iniri posset.

Distinctionem virtualiter non millesimus vestrorum auditorum intelligit, ac fortasse ne tu ipse quidem. Pag. 37. Exam. Nisi probet se omnes auditores concionum nostrarum examinasse non tantum hyperbolicè, sed sincerè

sincerè, ac ex animo, more antecessorum puta, eum mentiri statuam. Vide quid de voce virtualiter sacræ ignorantix alumno inculcârît Voetius in Therfit. à pag. 109. usque ad p. 112.

Quod ad Philosophiam attinet, credo ipsos Voetij socios Contra-Remonstrantissimos mentum affirmaturos axioma de futuris contingentibus, à Philosophiâ tam alienum esse, quàm quod maxime. p. 53. Exam. Nominet vel unum, Voetii socium Contra-Remonstrantem, vel Contra-Remonstrantissimum, & totum dabimus. Fratres ignorantix, socios & gregales Therfitis semper excludimus.

Monstra axiomatum, & heterodoxiarum in Examine à Therfite prolatarum, quas neque in Examine diluit, neque in L X I. capitibus diluturum se promittit.

Omnis consolatio peti debet à bono, quod futurum est; vel cum futuro conjunctum, non ab eo, quod præterit. p. 14. Exam. Absurdissimè, contra moralem philosophiam, & totam praxin pietatis.

Sciendum distinctionem inter habitum, & rationes quoad consequentiam, quas inde nectunt, in Ethica ipsa, nedum in Theologia admodum futilem, & absurdam esse. p. 14. Exam. Vapulate omnes Ethici ab hoc asino! Videte Therfitem p. 199.

Si peccatum facit, in præsentì quatenus facit, ac dum facit, ex diabolo dicitur esse. p. 43. Ergo Paulus, dum cum Barnaba contendit, ex diabolo fuit. Quid absurdum, quid ἀβόλογον magis dici, vel fingi potest.

Vehementer aberrat, si putat omnia illa Christianæ simplicitati repugnare, quæ quis demonstrare non potest Spir. S. ulli homini dictasse. p. 57. Exam. Ergo simplex & sincerus quis esse potest, sine afflatu Sp. Sancti. Quæ hæresis est, si hæc non est.

Dico malitiam ipsam rebus esse essentialem. p. 54. Exam. Blasphemia plus quàm Manichaica.

Spiritus sancti non est curare sapientiam humanam. p. 58. Exam. Peccavit ergò secundum impurum hunc hominem (absit precor Deus blasphemia dicto) graviter Spiritus sanctus, cum Beersælem & Aholiabum doceret artificiosè in opere sericeo, & ligneo operari.

At Iesus Christus hoc loco (scil. Luc. 12. v. 22.) verè & eleganter ostendit, omnes homines, qui vocantur à Deo, multo plus posse ad obtinenda bona spiritualia, & aterna, quàm ad conquenda mundana. p. 16, Exam. Blasphemia plus quàm Pelagiana, quam neminem in tota Societate approbaturum existimo.

P. 45. & 61, Exam. Ut vanitatem quam rejicit disquisitionem de opulentiâ. Probet vanum esse. Scio, vos magnos Theologos, ita cum Therfitè in Confutat. p. 33. judicare; & Voetii Theses, quibus directæ, & indirectæ magiæ sacra aperuit nugis accensere. Sed quid mirum eos qui undiquaque inter Iudæos, Naturales, Mundanos, Anabaptistas, Coornhertistas, & Socinianos, fautores, ac tributarios synagogæ cives quærun, magis etiam asylum aperire. Si ego etenim unus ex inquisitoribus mallei essem, in vos tamdiu quæstionem exercebam donec apertè sententiam de magia aperiretis. Persuadere aliter mihi non possum, quin hic quid monstri alatis: & postremò, ubi frustra omnia media tentaveritis, magicis etiam præstigiis nos aggressuri sitis.

Hæc non esse absurda, & incoherentiâ credam, si nullum simile exemplum dari poterit: sed si non dari poterit, dicemus dari non posse quia sunt absurda, & incoherentiâ. pag. 14, Exam. Quid absurdum vel blasphemum magis cogitari etiam posset, si stat hoc effatum, ruit totus Christianismus, & orthodoxa veritas de Christi persona, & mediatorio officio. Videte quæso Voetii Therfitem p. 90. & seqq.

Et hæc sunt horrenda illa mendacia, & calumniæ quas collega vestrer in Examine effudit primùm, & callidè in confutatione, ac syllabo 121. capitulum præterit. Utinam ex animo aliquando sic eorum eum pœnitescat, quemadmodum jam pudet. Quia verò gloriatur in ignorantia, & existimat se bellè versitatum esse existimationi suæ, facere non potui, quin turpitudinem ejus toti mundo ostenderem. Si qua verò, conscientiæ, existimationis, & laudis scintillula in ejus obfirmato & lapideo pectore adhuc micat: patrocinium & lixivium parer. Ex antro in arenam prodeat. Quia verò ad Voetii etiam nomen exhorrescit: cum me tirone, & juvene congregiatur. Confusus Deo, veritati, bonæ causæ & conscientiæ eum ad tribunal vestrum cito, ut respondeat ad objecta mendacia

mendacia, calumnias, & blasphemias. Quaecumque leges modo æquitati & veritati non præjudicent, dixeritis, recipiam. Concedatur hoc unum mihi tantum, ut sex, septemve testes adducere possim: & in quacunque Hollandiæ urbe vadimonium obibo. Amstelodamum evocate, & mox accurram, Sistite modo tenebrionem; si præsidem quærat, facile ibi in occulto, sive collegio sive Gymnasio Sociniano-Remonstrantico inveniet, Iudæorum concionator Manasses Ben Israël eximius vester fautor, & boni Barlæi calculo pius magis quàm eximius Theologus Vedelius, libenter quoq; cum promisso pallio aderit. Ostendit enim jam zelû suum, tum paradoxis aliis, tum speciatim *de libero arbitrio* contra Christianam & Catholicam fidem defendendis. Quæ conditio æqua magis ferri potest. Si quid conscientiæ, & laudis vobis superell, recipite, & amplectimini. Non typhus, aut saltus (Deus novit) huc me adigit, sed zelus, amor veritatis, & vestri. Sed quid lurdus cano, & ventis incassum verba fundo. Desidebit in gurgultio suo nycticorax, nec vos barbati magistri hominem juvenem, & mediocritatis suæ tam conscium, quàm veritatis in conscientiâ certum, ad colloquium admittere dignabimini. Difficilibus his temporibus, charta quæ aliàs aut magno vendi, aut digniori usui destinari poterat, uno & sexaginta ineptiarum, ac ignorantie capitibus, commaculanda erit. Nō integrum enim est Examinatori, ex tempore disputare, & magnum laborem compēdi facere. Lentulus est. Consulere debet authores, quos in Thersite laudavit Voetius, de quibus pleriq; vel fando antehac nihil audisse eum puto. Rogo verò & obsecro illum ut se respiciat, nec labore nimio maneret. Nihil proderūt annuæ unius & sexaginta capitū elucubrationes, fortè ad Kal. Græ. as protractæ. Ante illē enim adveniēs, quàm bonus vir multiplicem eruditionem assequi possit, & infinitam pene lectionem adversarii sui. Si lucem xxi. capita aspiciant, per trimestre tantum exhiberantur rationes, & sanniones. E vestigio replicam, cum bono Deo, adornabo. O si Societas tantum Elephantinum partum susceperet, & horridum librum suffragio approbaret! Mysteria inaudita, & ineffabilia panderemus, de mendaciis Societatis, quæ non oblectrè videtur defendere velle fuliginosus scriptor c. 33. Manducum non moramur, aut meruimus. Si quando Thersites probaverit Voetium dementem esse, ut operosè videtur studere cap. 53. sine æmulo vincet. Utinam saltem Voetius phreneticus esset, commodissimum credo locum

cum hic Remonstrantici curatores vel in gratiam Societatis ei assignarent in Phreneticorum carcere. At salvus adhuc & sanus est per Dei gratiam. Furit ut Paulus Apost. enram Agrippa rege Act. 26. Fello autem præsidi vos Remonstrantici focii similes estis: furere eos creditis, qui sacro zelo, & impetu feruntur ad oppugnandos errores, & hæreses vestras. Videte verò (& utinam Opt. Max. Deus faxit, ut videatis aliquid in) ne inter eos sitis, quos hac investivâ incescit Apost. Gal. 3. v. 1. *O amentes quis vos fascinarit, ut non crederetis veritati.* Vos verò, qui moderatores & lupremi inspectores Societatis estis, etiâ atq; etiam rogo, ut quantum fieri potest, consulatis exultationi religionis, & professionis vestræ. Examinator præcipitanriâ & impudentiâ suâ plaustrum pene perculit, ne prorsus deinceps everrat, caveat. Jubete quæso cum in disputatorium campum descendere, & experiri, quid contra tiro-nem possit. Legitima, modesta, & tranquilla erit disputatio. Si probaverit mihi solidè calumnias & mendacia quæ in Illustr. Ordd. Ampl. Magistratus & Ecclesiam effudit, ultro herbam porrigam, & acquiescam. Quia verò ita usu receptum est ut nunquam obsonia sine mantissa, aut theses sine corollariis proponantur. Ut omnia legitinè, ritè, ac ordine fiant & procedant, sequentia corollaria statuo, ad quæ oppugnanda per otium se accingere potest Thersites, dum de Voetii libro refutando, & exultatione illius imminuendâ, ac per latus ejus Academiâ hac, atq; adeo causâ Orthodoxâ vulnerandâ, nimis miserè desperat.

I. Remonstrantismus prout in Apologia, & Vedelio Rhapsodo proponitur purus putus, quamvis incrustatus, Socinianismus est.

II. Solidissime id ostendit & probavit quatuor voluminibus Cl. D. Vedelius, ipsique focii silentio suo trienniali, & calumniatorio Cantico, quo eum persecuti sunt, agnoscunt, & fatentur.

III. Sociniano Remonstrantes secundum principia & fundamenta negativa suæ Theologia, illas a conscientia syncretismum inire possunt cum omnibus scèlis, & hæreticis antiquis & recentioribus. Indeis etiam, & Turcis, modo caritatem & moderationem erga Societatem exercent.

IV. Doctrina Remonstrantiû circa quinque articulos, est noxia praxi pietatis, nec ullam solidam consolationem in vita aut morte alicui prestare potest.

V. Grandis fit injuria doctiss. Arminii manibus si Sociniano-Remonstrantes ab ejus nomine Arminiani vocentur: quamvis enim in quinque articulis erraverit, & doctrinam Scripturæ adversariam defendit, non tam crasse
tamen

men minus in secundo articulo, quam *Nicolans Grevinchovius* erravit: nec male sensit de *Naturâ* attributisque divinis, æternâ & verâ Deitate Christi & Spiritus Sancti, de satisfactione Christi pro peccatis, aut de peccato originali ut hodie Remonstrantes.

VI. Remonstrantismus hodiernus est prophytaum libertinismi.

VII. Orthodoxi nullam cum Sociniano Remonstrantibus, quamdiu tales manent aut societatem, aut pacem inire possunt.

VIII. Non existimo, aut credo secundum iudicium charitatis, ita purioris theologia, quam in Academicis quondam didicere, omnes & singulos veteranos Remonstrantium ministros esse oblitos, ut subscribere velint Apologia, & Vedelio Rhapsodo, pestiferam Socini doctrinam per omnes paginas, & lineas redolentibus. Imo ne quidem credo D. Johannem Wtenbogaers ut vir est prudens & circumspiciens, manu suâ testamentum consensum cum illis scriptis.

IX. Quid sentiendum de vulgo Remonstrantium? R. Secundum charitatem. In eo sunt multi simplices ignorantes, qui ex cæco tantum zelo schismatici adherent, retinent tamen in corde, contra omnes clamores & insidias ministro-rum, immotum fundamentum salutis. Alij qui paulo eruditiores haberi cupiunt, quia ex præcepto Apostoli 1. Thes. 5. v. 21. Omnia non explorant, in tenebris desident, nec animadvertunt dolos, qui velantur animabus eorum. Si qui sunt verò qui rerum terrenarum & carnalium, aut vindictæ aut politica factionis astro agitentur, & societati quàm aliis adherere malint, illos alio loco collocamus. Omnes vero per Deum rogamus, & obsecramus, ut quàm chara illis est salus æterna, & veritas, præterquàm ad sacras Scripturas, etiam ad Arminii Theses, Apologiam & Vedelium Rhapsodum exigant: & sincerè per Dei gratiam videbunt, quot parasangis intra paucos annos Societas à veritate, ad abyssum errorum, ac hæresium declinaverit.

X. Remonstrantismi geminus finis est principalis, & subordinatus. Principalis initio erat manere in possessione publicorum munerum, & templorum. Quia verò desperat de eo assequendo ad alterum, velut δευτερον πλῆν confugit: sedulam nempe collectionem nummi Perrini, & pertinaciam in defendendis erroribus. Ne videatur frustra, & de lana caprina per tot annos turbas dedisse.

De hoc Thesium Episcopate in congressu, per Dei gratiam, videbimus. Quædico, probabo, & cum Deo defendam. Vos, quorum interest Societatem bene audire, & à tam sinistra fama quàm illibatam esse, officii ne obliviscamini. Compellite erronem ad disputandum, aut

ipsi partes illius suscipite. Si ad præcedentia corollaria intra annum non respondeatis, adjuvante Deo, probationem eorum breviter ac solidè, quatuor linguis Latinà, Belgicà, & amicorum operà, Anglicà quoq; & Gallicà evulgabo, ut totus mundus videat, & detestetur turpitudinem vestram. Vadimonium non deseram, quod dico, per Dei gratiam etiam præstabo. Auguror verò vos dicturos, me odio in Societatem plus quàm Hannibalem, & ex mendaciis, & calumniis confusum esse. Sed fabellis talibus nihil commoveor. Testis mihi Deus, testis conscientia, cui omni ratione satisfacere studeo, me percussum vestrà pertinacià esse ad scribendum. Ex vobis nemo me læsit, nec ego etiam quem me læsisse scio. Si ullius personam odio prosequar, Deum iratum habeam. Errores, quos in sinu arcè compleximini infector, imò desleo. Quomodo Christianus, cui tantillum zeli & pietatis superest, non indignetur vobis, qui indignamini ejus Redemptori, & Sanctificatori, utrumque per cuniculos de sede & throno æternæ Deitatis deturbare satagentes. Non Voetius, non hoc, aut illud, sed amor illius qui me à morte redemit (testem eum in animam meam invoco) adigit ad styllum in vos stringendum. Lenis esse per Dei gratiam, & vobiscum pacificè & tranquillè, non mindè ac cum aliis vivere possum. Voetius Heusdæ cum acerrimis ex vestro ordine conversatus est modestè, imo lenitate, modestià & bono exemplo ad orthodoxam religionem, omnes qui vobis antè adhærebant, vix uno forte atque altero excepto pertraxit, ut tota civitas, & vicinia, si opus sit, testabitur. Quodd & ego quoque cum nullo ex vobis odium aut inimicitias exercuero unquam, nemo est, qui dicere poterit. Non odimus vos, sed illud, quod deberet vobis ipsis odiosissimum esse. Ut ipsi agnosceretis, si errorem veritati non præferretis. Quamvis verò certè sciam vos latratibus, morsibus, canticis, dictæis, satyris, similibusque spiculis, innocuum meum caput undiquaque petituros esse. Non horreo, non metuo tamen. Alinorum illi sunt crepitus, & bruta fulmina: fatigant eum qui vibrat, non quem petunt. Ob Christum & veritatem dulce est apud mundanos malè audire. Si alii pro honore Peripati, alii pro honore Parnasi, alii pro honore equestriæ Restionum Ordinis usque ad Diogenis baculum (quo parentes ipsorum olim lat clavio insignes, suum formosum Jacobulum, reliquosque ejusdem ordinis pueros *συνέγυρς*, mulcare solent:) si denique sexcenti ex vobis pro carne, mundo, libertinismo, & Lucianismo magno zelo certent, Quis dedecori

dedecori mihi vertat, si pro Christo, pietate, Ecclesia, patriâ, Academia, & præceptoribus stylum stringam. Puerum, ineptum, indoctum, hypocritam, lupum, asinum, bubonem, Voetii emissarium, & quid non me vocate. Invocate omnes scurras, urbicos, comicos: totum Plauti Pseudolum, omniaque ex theatris & plaustris convitia, pleno horreo in me effundite: Academiam, januam, plateam more vestropasquillis ornate, non tamen, per Dei clementiam, commovebitis ut aut officii Christiani hominis, aut gratitudinis erga præceptorem obliviscar. Si honorificum fuit juvenibus, olim in Academia Genevensi studiosis, Gregorij de Valentia, aliâs doctissimi Scholastici, fictam & malam fidem pro præceptore suo Sadeele detegere: imo si vestro D. Vorstio licuit Nic. Hasium juvenem meæ ætatis, in doctissimum Egelisemium subornare, etenim mihi vitio verti non debet, si eruditionis, veritatis, pietatis solidissimè in Thersite assertæ, contra indoctum errorem patrocinium suscipiam? Doleo vero ex animo vicem vestram, quod omnia tela emiseritis, & instar anguium, post obtritum caput, solâ caudâ minemini. Quàm ignominiosum, quàm turpe tantis Theologis est, magno nisu aggredi tractationem alicujus controversiæ, & per primam responsionem ita exarmari, ut invocandi sint pueri, idiotæ & satyrici, qui totius Societatis existimationem, psalteriis, canticis, satyris & famosiss libellis farsciant. Præstaret ad aream restitutionum confugere, quam ad sacram illam anchoram. Miror verò, vos tam vesanos esse, ut etiam confidere audeatis arundineo huic scipioni. Quem cantica, & lividi vestri libelli oblectant, præter combibones, & Libertinos: qui inter culullos, & in conviviis, uno cachinno pariter religionem, pietatem & Contra-Remonstrantes omnes explodunt. Si verò, quod ex parte suspicor, Jacobus Batelier, Hagæ Comitatus in Synagoga Remonstrantium minister, Confutationis author est, è vestigio adire poterit equitem illum, de quo multa scribuntur, & circumferuntur: etenim eum pro affectu in Societatem, non pigebit Scizontes quos, aut satyram in me, & miserum Voetium condere. Aut si nobilitatem illius sollicitare veretur, adeat autorem nuperum Luciani Redivivi, eodem modo is eum defendet, ac asseruit celeberrimi Poëtæ D. Casparis Barlæi existimationem, contra justas criminationes Philippi Fabri. Ex semi-medico-Iuriconsulto dicto citius fiet concionator, & cum diabolo & Hispanis sub patibulo Psalmum *Miserere, & Quàm jucundum est fratres habitare in unum* cum rancidâ anaphorâ de Reformatorem Deo, peccati

autore

authore domisso vultu, & sermone canet: quia male consuevit,
 & satanicam maledicentiam impune habere non potest. Fallitur
 vero bonus ille alastor, cum putat, eum qui post sacras literas,
 Thomam de Kempis, in libro de imitatione Christi, exprimere stu-
 duit, eundem cum Philippo Fabri esse. Quis qualisve is sit, cur
 nomen proprium tunc non expresse, & cur alii appellativum &
 mysticum libello præposuerint, nec non cur asperiusculè D. Barlæum
 tractarit, ex sacra Scriptura, Patribus, praxi Theologorum, Remonstran-
 tium etiam, & ipsius D. Barlæi juvenilibus scriptis ostendet, simul ac
 aut ipse D. Barlæus, aut alius quis ejus nomine Apologiam paraverit.
 Et fortè aliquid istorum prælibabit D. Vedelii *Dens Synagoga*, quem
 propediem prodicurum speramus. Accingo interea, & compono me ad
 audienda vestra convitia, & excipienda cantica. Veniant sexcenta, col-
 ligam omnia, & ubi iis scribendis fatigati eritis, simul cum brevi lec-
 tione animorum vestrorum, edam: ut totus orbis cognoscat rabiem Socio-
 niano Remonstranticam. Quod reliquum est, ne Cl. Episcopi, diutius
 Socinianas tuas lectiones interpellem, te & omnes quos initio allocu-
 tus sum rogo & obsecro, ut aut ad colloquium compellere velitis, (ius
 enim cogendi habetis) authorem confutationis, aut suffragio vestro
 comprobetis unum ac sexaginta ejus capita: ne forte ea quæ inde ex-
 cerpemus mysteria, excipiat is more solito domestica esse sacra & unius
 hominis deliria, aut à Iesuita, aut Contra-Remonstrante Societatis
 vestræ hoste, vobis insciis scripta & evulgata.

Valete viri celebres, Monerem, ut respiceretis vos, & officium ve-
 strum, nec non miseram turbam, quam seducitis: sed aurem commo-
 vellit Cyprianus qui ita ad Demetrianum lib. 1. adversus eum, loqui-
 tur: *Certe & labor irritus, & nullus effectus, offerre lumen cæco, sermonem
 surdo, sapientiam bruto, cum nec sentire brutus possit, nec cæcus lumen ad-
 mittere, nec surdus audire.* Valete iterum. Et ne arrodat is nostram in re-
 spondendo tarditatem: assevero me ante quinque demum dies casu in
 Theritis Confutationem incidisse, Dabam Trajecti in novâ Academiâ
 Anti-Remonstrantico-Libertinica 3. Maji d. clc lxxvii.

*Æterni & opusculi, filij De Jesu Christi, sponsoris unici,
 ac perfecti servatoris sui servus, & amicus; quia vester
 esse non potest;*

MART. SCHOOCK.

MC

